



REPUBIKA E KOSOVËS
REPUBLIC OF KOSOVO
REPUBLIKA KOSOVO

KOMUNA E KLINËS
MUNICIPALITY OF KLINA
OPŠTINA KLINA



www.komuna-kline.org

Komuna e Klinës

Kuvendi i Komunës

01Nr 06-3508 /2023

Klinë, 31.01.2023

PROCESVERBAL

I Mbledhjes së Kuvendit të Komunës, mbajtur me datë 20.12. 2022, , filluar në ora 10:00, në sallën e Kuvendit të Komunës.

Të pranishëm në mbledhje janë: Kryetari i Komunës së Klinës, z. Zenun Elezaj, drejtorët e drejtorive, nënkryetarja, znj. Marqe Selmanaj, Përfaqësues të OSBE, Mediave lokale, etj.

Kryesuesi i Kuvendit z. Fadil Gashi e hapi mbledhjen duke përshëndet të gjithë të pranishmit dhe duke konstatuar se prezent në mbledhje janë 25 anëtarë të Kuvendit. Për Rendin e ditës , z. Gashi hapi debat.

z. Esat Raci: Përshëndetje të gjithëve. Kryesues së pari të shpreh ngushëllime për humbjen e dajës. Rreth Rendit të Ditës kam dy çështje : 1. Është hera e tretë që kërkoj të bëhet zëvendësimi i anëtarit të KPF dhe 2. Kemi formuar një komision për të hetuar procedurat e dhënies së lejes për fabrikë të çimentos. Të gjitha afatet kanë kaluar pse nuk sjellët raporti në asamble.

z. Fadil Gashi, kryesues: Faleminderit për ngushëllime, tani duke hy në sallë më njoftuan se më vdiq daja. Sa i përket Komisionit , ata kanë obligim që të na sjellin raportin. Besoj që duhet të japim presionin e nevojshëm, ata janë anëtarë të kuvendit, kanë pasur një mandat dhe një afat , janë shkelur ato afate. Unë do ta kontaktoj kryetarin e Komisionit.

z. Valmir Bacaj: Edhe unë dëshiroi që të dakordohem me ato që tha z. Raci. Kërkojmë që të procedohet gjithsesi me zëvendësimin e anëtarit të KPF dhe censit sipas rregullores ligjeve në fuqi. Sa i përket Komisionit për të cilin u bë fjalë. Kryetarin e kemi zgjedhur që të jetë i jashtëm shkak i transparencës. Arsyet pse s'ka ardhë raporti është mriiz që ta shpjegoj kryetari i Komisionit. Unë e diji dhe jam shumë i sigurt se nuk janë gjetur asnjë shkelje gjatë procedurës së dhënies së lejes për fabrikën në fjalë.

z. Zafer Gashi: Edhe unë ju shpreh ngushëllime për dajën. Dëshiroj të dijë nëse Raportimi i kryetarit a do të ketë debat apo vetëm raportim i tij.

z. Fadil Gashi, kryesues: Nuk do të ketë debat.

z. Esat Raci: Rreth zëvendësimit të anëtarit të KPF-së. Nuk ka dakordancë rreth çelësit, votat i ka AAK, kërkoj që të procedohet sipas udhëzimit administrativ. Nuk ka ndodhë që të ulemi dhe të gjejmë marrëveshje, nuk ka pas gatishmëri nga grupi më i madh i kuvendit -AAK-së.

z. Fadil Gashi, kryesuesi: Sa po e kuptoj ju po kërkon që të futet në rend të ditës kjo çështje. Nëse e fusim në rend dite dhe nuk ka dakordim mes grupeve kuvendare atëherë do të procedohet sipas udhëzimit administrativ. Tek Rendi i Ditës kam edhe një propozim që pika 7 të hiqet sepse nuk ka ardhur propozimi nga Komuniteti për zëvendësim të një anëtarit tek komiteti për komunitete si dhe ajo që po kërkojnë grupet është që të futet si rend dite ri formatizimi i KPF-së. Të lutem të votojmë për propozimin tim të parë. Kush është për ?

Me 25 vota për asnjë kundër dhe asnjë abstenim U MIRATUA.

Kryesuesi vuri në votim edhe propozimin e dytë dhe me 23 vota për , asnjë kundër dhe asnjë abstenim U KIRATUA.

Edhe Rendi i Ditës në tërësi u vendos në votim dhe me 23 vota për asnjë kundër dhe asnjë abstenim U MIRATUA.

Pika e 1 e rendit të ditës: Arsyetimi i Mungesave.

Kryesuesi theksoi se ka njoftim se do të mungoj Kushtrim Haliti dhe Armend Beqiri.

Pika 2 e Rendit të Ditës: Shqyrtimi dhe miratimi i procesverbalit nga mbledhja e kaluar.

z. Zafer Gashi: Ne e kemi marr përmes e-mail rendin e ditës dhe në masë më të madhe e falënderoj z. Behrami që po shihet që po e mban mirë. Në disa vende edhe pse nuk duhet fjalë për fjalë ndoshta, ka munguar fjala ime. Konkretisht aty ku kryetari i Komunës kërkon që mos të i përmendet emri i tij dhe procesi nuk është shkruar si duhet, mungon reagimi im aty. Le të na jep sqarim këtu kryetari se çka do të bëjë nëse unë vazhdoj të ja përmend emrin e tij?

Në vazhdim zhvillohet një dialog interaktiv mes z. Zafer Gashi dhe kryesuesit ku zoti Zafer Gashi shprehe pakënaqësinë e tij me mos dhënien e fjalës aq sa do të duhej dhe ndërprerjen e saj të vazhdueshme dhe z. Fadil Gashi i cili kërkon që të ndërprerë fjalën dhe sugjeruar që nëse ka vërejtje për proces le ti përmend konkret ku e si duhet të ishte. Në trego se ku ke vërejtje për proces që ta përmirësojmë e mos të dalim nga pika e rendit të ditës. A ka dikush për proces? Shihet që nuk ka vërejtje. Kush është për ?

Me 23 vota për , asnjë kundër dhe asnjë abstenim U MIRATUA

Pika 3 e Rendit të Ditës: Shqyrtimi dhe miratimi i rekomandimeve të KPF-s

Kryesuesi theksoi se të gjitha rekomandimet janë në materialin e marrur. Rekomandimet që nuk janë këtu janë adresuar nëpër drejtoritë përkatëse

Rekomandimet u MIRATUAN në Bllok me 25 vota për asnjë kundër dhe asnjë abstenim.

Pika 4 e Rendit të Ditës: Shqyrtimi dhe aprovimi i propozim listës së përgjithshme të pronave të cilat parashihen të jepen në shfrytëzim gjatë vitit 2023.

Kryesuesi kërkoi mirëkuptim nga anëtarët e kuvendit që drejtori të prezantoj edhe pikën 5 të rendit të ditës njëkohësisht sepse kanë lidhshmëri me njëra tjetrën dhe pastaj kërkoj që të debatohet.

z. Besnik Marku, drejtor i kadastrit: Përshëndetje për të gjithë. Një shkresë i është dërguar komunës së Klinës nga MPL që na ka obliguar që deri me datën 31 të kemi listën e përgjithshme të pronave të Komunës së Klinës dhe lista e veçantë e pronave komunale. Pra tek lista e përgjithshme janë përmbledhur të gjitha pronat komunale ndërsa tek lista e veçantë janë përfshi vetëm ato prona që parashihen të jepen në shfrytëzim gjatë vitit 2023. Në KPF është modifikuar lista dhe janë eliminuar ato prona që kanë qenë në bashkëpronësi. Pronat do të jepen në shfrytëzim bazuar në rregulloret në fuqi dhe ligjet.

Kryesuesi theksoi se edhe ai ka pasur problem në hapjen e file dhe me siguri edhe disa nga anëtarët e kuvendit kanë pasur të njëjtin problem e sidomos ata që përdorin email privat të cilët i lutë që të hapin email zyrtar.

z. Zafer Gashi: Faleminderit kryesues për kohën që do të japësh për të folur. Me sa gjeta material në lidhje me këto dy listat e ardhura, thirrur në kërkesën e drejtorit nuk gjeta material për vitin 2022 ndërsa për vitin 2020 po. Kjo rregullore është që nga Koha e presidentes Jahjaga dhe sa duket në vitin 2020 është precizuar. Është pra e drejtë e komunës që të epën prona me qira dhe të këmbehen. Afati është nga 15 vjet deri në 99 vjet. Ajo që do të lutem që të jemi të kujdesshëm në këto raste se në gjendjen aktuale në kuvendin e komunës me votat që tani më janë bërë shumicë në një krah politik, po dihet që mund të votohet çdo propozim. Po krijohet një lloj oligarkie dhe në këtë rast kam informacion që ngërzit veçse janë përgatit me dokumentacion. Do të duhej të dinim saktësisht se për cilën pronë saktësisht bëhet fjalë për dhënie me qira, këmbim etj. Duhet të kemi kujdes seriozisht që të dihet cilat prona epën dhe nuk kanë asnjë kontest. Jam shumë i sigurt se do të epën pronat për njerëzit që janë më afër pushteti dhe jam i sigurt që kjo do të dëmtoj disa që kanë qenë shfrytëzues por që nuk do të kenë mundësi që në ankand të ofrojnë shumën e kërkuar. Nëse duhet të mburret kryetari i Komunës me rezultatin e arritur atëherë të mburret me rezultatin e votave që ka arritur të i kthej pro vendimeve të subjektit të tij politik.

z. Fadil Gashi, kryesues: Unë edhe një herë për proces, kërkoj vëmendje edhe nga procesmbajtësi, nuk ka nevojë që të hyjmë në çështje që nuk an takojnë, Unë me pas

mundësi 11 anëtarë të AAK-së i kisha bërë anëtarë të LDK-së, por tjetër kush ka vendosë për këtë. Është votuesit që i kanë determinuar këta numra, prandaj ne do ti respektojmë. Këtu janë dy lista dhe ligji i ka përcaktuar procedurat e dhënies së pronave për shfrytëzim etj. Ne do të formojmë edhe komisionin përkatës por tani e në vazhdim në jemi duke kryer një procedurë ligjore, një kriter ligjor. Procedura për dhënie është krejt diçka tjetër që do ti nënshtrohet gjithsesi edhe ajo ligjeve në fuqi.

z. Esat Raci: Ju veç e thatë atë që unë deshirova ta them. Janë pra procedurat ligjore që ne do ti respektojmë se e kemi obligim. Në të ardhmenë kërkoj që të sjellën më të specifikuar dhe të sakta.

z. Fadil Gashi, kryesues: Pikërisht këtë edhe ne e kemi kërkuar që listat që do të shpallen të jenë të determinuar saktë. Më shumë për ata që janë të interesuar të investojnë në Klinë se sa për ne në kuvend.

Kryesuesi e vendosi në votim listën e përgjithshme dhe me 22 vota për , asnjë kundër dhe dy abstenime(LVV) U MIRATUA. Gjithashtu u vendos në votim edhe lista e veçantë dhe me 22 vota për , asnjë kundër dhe 2 abstenime(LVV) U MIRATUA

Pika 6 e Rendit të Ditës: Shqyrtimi dhe miratimi i planit të punës dhe kalendari i takimeve të kuvendit për vitin 2023

Kryesuesi theksoi se ky kalendar do të plotësohet edhe me kërkesa të jashtëzakonshme, miratime të rregulloreve të ndryshme etj. të cilat tani nuk mund ta i planifikojmë prandaj po e vendosim në votim kështu siç është.

Nuk kishte debat për këtë pikë të rendit të ditës. Me 24 vota për , asnjë kundër dhe asnjë abstenim U MIRATUA.

Pika 7 e Rendit të Ditës: Shqyrtimi i raportit të punës së KKSB për gjashtë mujin e dytë të vitit 2022.

Znj. Marqe Tanushi- Selmanaj, nënkryetare e Komunës: Përshëndetje të gjithëve. Parimi kryesor i KKSB është periudhë raportuese dhe ka qenë kryesisht përqendrimi në aktivitete për çështje të sigurisë në bashkëpunim me Policinë dhe qytetarët si dhe forumet , organizatat e tjera të sigurisë etj. Për të identifikuar dhe shqyrtuar çështje që lidhen me probleme të sigurisë në bashkësi me synimin e zgjidhjeve konkrete të këtyre problemeve. KKSB gjithsej sipas rregullore ka gjashtë takime, takimin e gjashtë e kemi në ditët në vazhdim. Në të gjitha këto takime pika kryesore ka qenë siguria në bashkësi ku si zakonisht sa i përket sigurisë në bashkësi ka raportuar Komandanti i Policisë në Klinë z. Ragip Bytyqi. Tema të tjera të rendit të ditës kemi vazhduar tutje sipas planit të punuar paraprakisht. Kemi vazhduar me situatën e pandemisë, mbrojtja e fëmijëve nga punët e renda, sensibilizimi i të rinjve nga dukuritë negative etj. Komandanti i Policisë ka raportuar në çdo takim për gjendjen e sigurisë në komunën e Klinës, bashkëpunimi mes qytetarëve dhe policisë ka qenë në nivelin shumë të lartë. Në takime ka marrë pjesë përfaqësuesit e KFOR, OSBE etj. Si rezultate të arritura të KKSB kemi evidentuar disa:

Institucionet komunale akne arritur që të realizojnë instalimin e ndriçimit në shumë lagje e rrugë e në disa pjesë të qytetit janë ndërmarrë masa nga drejtoria përkatëse për rregullimin e tyre. Janë vendosur shenjat e komunikacionit aty ku ka pasur dëmtime të tyre. Masat e ndërmarrura nga policia e Kosovës dhe inspektorët ndaj atyre që kanë rrezikuar sigurinë kanë qenë evidente. Policia e Kosovës së bashku me institucionet komunale janë angazhuar gjatë kohës së ardhjes së bashkë atdhetarëve dhe janë angazhuar që ata të marrin shërbimet sa më të mira të nevojshme. Ka përfunduar instalimi i kamerave në të gjitha shkollat dhe pjesë të qytetit që ky ishte edhe planifikim i KKSB dhe në fund fare janë marrë masa parandaluese për përdorimin e mjeteve piroteknike gjatë festave. Uroj shumë që në të ardhmen të jemi akoma më shumë produktiv si KKSB.

Pika e 8 e Rendit të Ditës: Shqyrtimi dhe miratimi i propozim listës për themelimin e komiteteve konsultative.

Kryesuesi z. Gashi theksoi se me udhëzim administrativ jemi të obliguar që të themelojmë dy komitetet konsultative dhe komisioni i themeluar ka kryer punën e vet dhe ka sjell listën e personave që komisioni ka përzgjedhë në bazë të konkursit të zhvilluar dhe rezultateve.

Kryesuesi në vazhdim prezantoi listën me emra për komitetin e parë- Çështje emergjente për komunën e Klinës: 1. Laura Gojani-Palucaj, 2. Visar Bojaj, 3. Viktor Kuçi, 4. Kosovare Beqiri-Zogaj dhe 5. Skënder Tafilaj.

Pasi që nuk kishte të interesuar për debat, kryesuesi e vendosi në votim përbërjen e komitetit të parë dhe me 22 vota për asnjë kundër dhe asnjë abstenim U MIRATUA.

Komiteti i dytë- Komiteti Konsultativ për zhvillim rural dhe mbrojtje të mjedisit i propozuar është: 1. Diesa Morina, 2. Luan Berisha, 3. Artur Berisha, 4. Ermelinda Berisha dhe 5. Rinor Sejdiu.

Edhe përbërja e Komitetit të dytë u vendos në votim dhe me 22 vota për , asnjë kundër dhe asnjë abstenim u Miratua.

Pika e 9 e Rendit të Ditës: Raportimi i kryetarit të Komunës për rrjedhat e qeverisjes, vështirësitë, investimet kapitale për gjashtë mujorin e dytë të vitit 2022.

Kryesuesi theksoi se është obligim ligjor që kryetari të raportoj dy herë në vit. Ky do të jetë një raportim pa votim dhe fjalën ja dha kryetarit të Komunës.

z. Zenun Elezaj, kryetar i Komunës së Klinës: Faleminderit kryesues, edhe një herë ngushëllime për vdekjen e dajës! Të nderuar anëtarë të Kuvendit, Komandant i policisë, media, ne e kishim një raportim të tillë edhe muajin e kaluar pasi që ishte një interpelancë për këtë temë. Do të ndalem në arritura deri në ditën e sotme sepse i gjitha angazhimi i ekzekutivit është në përmbushjen e detyrimeve respektivisht në shpenzimin

e buxhetit konform kontratave të firmosura dhe implementimin tyre në interes të shpenzimit të buxhetit në një përqindje sa më të madhe në mënyrë korrekte sipas rregulloreve në fuqi. Pra deri me ditën e sotme nga gjithsejtë 12 milion e 654 mijë e 484 euro janë shpenzuar 9 milion e 923 mijë e 392 euro ose 78.42%.

Kryetari Elezaj në vazhdim të raportit specifikoj në detaje veç e veç shpenzimet nëpër drejtori të të gjithë buxhetit prej 78.42% duke theksuar se bazuar në këto të dhëna jemi miriz me shpenzimet buxhetore përveç tek shpenzimet kapitale që deri në fund të vitit dhe afateve të pagesave do të arrijmë që të paktën të arrijmë vlerën prej 75% të shpenzimeve të buxhetit nga investimet kapitale duke u bërë përfitues të grandit qeveritar.

Pika 10 e rendit të Ditës: Re formatimi i Komitetit për politikë dhe financa-KPF.

Kryesuesi theksoi se është një situatë e re tani pasi që nuk është arritur një konsensus mes grupeve kuvendare prandaj do të duhet të veprohet sipas udhëzimeve administrative bazuar në % e ulëseve të marrura e të certifikuara nga KQZ. Kryesuesi Gashi theksoi se grupi më i madh kuvendar ai i AAK ka 11 ulëse në kuvend me 2.85% që i takojnë 3 anëtarë në komitet, PDK me 7 ulëse në kuvend ka 1.82% dhe i takojnë 2 anëtarë në KPF, LDK ka 1.56 dhe ka 2 anëtarë dhe LVV me 0.78% i takon një anëtarë por tani duhet të shohim se si thotë udhëzimi administrativ. Neni 5 paragrafi i dytë i udhëzimit administrativ thotë se entiteti më i madh politik që ka numrin më të madh në kuvend varësisht nga % në kuvend do të përfaqësohet edhe në Komitet, pastaj me radhë entiteti i dytë që ka numrin më të madh në Kuvend dhe kështu me radhë. Ne duhet të shkojmë me radhë deri të plotësohet numri 7. Shkojmë me AAK me 3 anëtarë, PDK me 2 anëtarë, LDK me dy anëtarë. Zëvendësimi i Bledar Berishës që ka kaluar nga grupi i PDK në atë të AAK, z. Berisha është obligative që të jap dorëheqje nga KPF pasi që nuk përfaqëson më grupin e PDK.

z. Bledar Berisha: Përshëndetje të gjithëve. Për shkak të situatës së krijuar unë jap dorëheqje nga të qenurit anëtar i KPF-së.

z. Valmir Baca: Përshëndetje. Ne si grup propozojmë që ta vendosim me votim censin e ri me përfaqësimin AAK-3 anëtarë, PDK-2 anëtarë dhe LDK-dy anëtarë.

z. Esat Raci: Me insistimin tonë dy herë radhazi por edhe i juaji që të gjendet një mirëkuptim i cili nuk u gjet tek grupi më i madh i AAK-së, ne detyrohemi që propozimin ta bëjmë sipas çelësit të propozuar nga ju.

z. Arben Limanaj: Ne kemi menduar që këtë "kontest" ta rregullojnë dy grupet e para por pasi nuk ka ndodhë ne jemi që të vazhdohet me këtë çelës.

Me 22 vota për , asnjë kundër dhe asnjë abstenim U MIRATUA çelësi.

U propozuan këta anëtarë për KPF:

1. Tunë Dedaj, 2. Blerta Gashi, 3. Bledar Berisha, 4. Mendehije Duraku, 5. Azdren Ramadani(i cili pasi të votohet -për- duhet të jap dorëheqje nga komiteti i urbanizimit), 6. Blerina Gashi dhe 7 Fadil Gashi, kryesuesi i Kuvendit i cili shkon me automatizëm.

Me 22 vota për, asnjë kundër dhe asnjë abstenim U MIRATUA reformimi i KPF-së.

z. Azdren Ramadani: Unë si anëtar i Komitetit për Urbanizëm jap dorëheqje nga ky komitet.

Pika 11 e Rendit të Ditës: Pyetje dhe Përgjigje

z. Enver Gashi: Përshëndetje të gjithëve. Kam një pyetje për drejtorin e DKA. Një udhëzim nga ministria e arsimit është për zëvendësimin e orëve të humbura gjatë kohës së grevës. A do të zëvendësohen ato orë në shkollat e komunës së Klinës se më duket ka një lloj hutie në këtë drejtim. Sa shkolla po i zëvendësojnë orët e humbura dhe si mendoni a është vendim i drejt?

z. Qemajl Sejdiu, drejtor i DKA-së: Përshëndetje të pranishëm. Sa i përket zëvendësimit të orëve sipas udhëzimit të MASHT, ne jua kemi përcjell orarin të gjitha shkollave, ndërsa sa i përket statistikave se sa shkolla janë duke bërë zëvendësimin e orëve, në seancën e ardhshme mund të jua sjell këtë informacion.

z. Esat Raci: Kam një pyetje për drejtorin e Bujqësisë. A janë nda mjetet për bujqit që kanë pasur dëme gjatë vërshimeve?

z. Lorenc Marleku, drejtor i Bujqësisë: Përshëndetje. Komisioni e ka kryer punën e vet dhe atë konstatim të komisionit e kemi dërguar në Ministri por nuk ka pasur dëme aq të mëdha në bujqësi sa ka pasur në ekonominë familjare.

z. Tunë Dedaj: Përshëndetje për të gjithë. Unë dua ta shpreh një shqetësim të qytetarëve të Klinës e më gjerë në lidhje me mungesën e letërnjoftimeve dhe pasaportave. Unë e respektoj Kryeministrin e Kosovës edhe pse është i LVV-së, ai është edhe kryeministri im por nuk janë marr masat me kohë për furnizim të qytetarëve me dokumente udhëtimi, gjë që ka bërë që shumë familjarë të mos kenë mundësi të bëjnë vizita gjatë fund vitit tek familjarët e tyre. Gjithashtu falënderoj kryetarin e Komunës për zbulimin e qytetit për festat e fund vitit dhe ju uroj gjithë shqiptarëve krishtlindjet!

z. Fadil Gashi, kryesues: Një nga ata që ka aplikuar për pasaportë me 20 shtator dhe nuk e ka marr akoma jam edhe unë.

z. Arben Limanaj: Dëshiroj të shpreh një shqetësim që ka të bëjë më shumë me drejtorin e administratës. Online në web e pash vendimin e komisionit të pavarur mbikëqyrës i cili komisionin për pranimin e kuadrit të punësuar në administratë e Komunës së Klinës e cilëson të paligjshëm. Shqetësimi im është për afërsisht 20 punëtorë të pranuar në administratë nga ky komision.

z. Binak Sylaj, drejtor i administratës: Përshëndetje të gjithëve. Unë në seancën e kaluar e kam dhënë përgjigjen kur më ka pyetur z. Esat Raci. Po është e vërtetë që këshilli i pavarur ka nxjerr një vendim që nuk e ka anuluar konkursin në fjalë por ka kërkuar që të plotësohet komisioni. Konkursi është mbajtur më gojë dhe me shkrim sipas vendimit të Këshillit të pavarur dhe e kemi zbatuar me përpikëri atë që e ka kërkuar këshilli i pavarur.

z. Arben Limanaj: Nuk përmenda anulim të konkursit, unë ju referova vendimit të këshillit të pavarur që thotë se Komisioni në fjalë është i pa ligjshëm.

z. Binak Sylaj, drejtor i administratës: Po e përsëris , është zbatuar në përpikëri vendimi i Këshillit. Është ndryshuar Komisioni qysh është kërkuar me vendim.

z. Fadil Gashi, kryesues: Të mundohem që të ju ndihmoj në kuptimin e pyetjes. Më duket Arbeni kërkoj të dijë se çfarë do të bëhet me ata punëtorë të pranuar nga ai komision? A kanë arsye që të shqetësohen ata të punësuar?

z. Binak Sylaj, drejtor i administratës: Asnjë shqetësim nuk duhet ta kenë sa i përket kësaj çështje

Znj. Lirije Gashi: Përshëndetje të gjithëve. Tani në stinën e dimrit ditët janë më të shkurtra dhe mua po më bije që pas dite, kur po bëhet errësirë, të marr fëmijën tim në shkollën fillore dhe më besoni është shuam errësirë aty sa nuk arrij ta shoh fëmijën e dalloj nga të tjerët. Ju kisha lutur që të ndërhyni dhe të instaloni ndriçim në atë pjesë.

z. Qemajl Sejdiu, drejtor i DKA: Po është shqetësim me vend, shumë shpejt do të instalojmë ndriçimin publik në atë pjesë.

Kryesuesi në fund të kësaj pyetje , pasi që nuk kishte pyetje të tjera nga anëtarët e kuvendit e shpalli të mbyllur këtë mbledhje të fundit për vitin 2022 të Kuvendit të Komunës duke ju uruar të gjithëve festat e fund vitit dhe uruar gjitha të mirat në familjet e të gjithëve.

Procesmbajtës:

Skënder Behramaj



Kryesuesi:

Fadil Gashi

